



Broj: 04-16-7-15-32/19

Datum: 10.2.2020.

Na osnovu člana 64. stav 1, tačka b), člana 70. stav. 1, 3. i 6. Zakona o javnim nabavkama Bosne i Hercegovine („Sl. glasnik BiH“, broj: 39/14), člana 8. Stav 2. Tačka d) Pravilnika o uspostavljanju i radu Komisije za nabavke („Službeni glasnik BiH broj: 103/14) i člana 8. Zakona o Agenciji za rad i zapošljavanje Bosne i Hercegovine („Službeni glasnik BiH, broj:21/03 i 43/09) direktor Agencije za rad i zapošljavanje Bosne i Hercegovine donio je

**ODLUKU
o prihvatanju ponude**

Član 1.

Na osnovu Izvještaja o toku i završetku e-aukcije od 7.2.2020. godine u postupku broj 04-16-7-15-1/19 od 25.10.2019. godine dodjeljuje se Ugovor za javnu nabavku usluga aviotransporta putnika najpovoljnijem ponuđaču „GOBOOK“ d.d. Sarajevo, ponuda br. 219/19 od 21.11.2019. godine za ponudenu cijenu od 0,01 KM bez PDV-a, odnosno 0,01 KM sa uključenim PDV-om koja se odnosi na agencijsku naknadu prilikom rezervacije aviokarata.

Član 2.

Za izvršenje ove odluke zadužuje se i ovlašćuje Odsjek za računovodstvene poslove.

Član 3.

Ova odluka objavit će se na web-stranici Agencije istovremeno sa upućivanjem ponuđačima koji su učestvovali u postupku javne nabavke, u skladu s članom 70. Stav 6. Zakona o javnim nabavkama Bosne i Hercegovine.

Član. 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama Bosne i Hercegovine.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 04-16-7-15-1/19 od 25.10.2019. godine. Javna nabavka je provedena putem konkurentskog sporazuma.

Procijenjena vrijednost javne nabavke iznosi do 17.094,00 KM bez PDV-a, a odnosi se na pružanje usluga aviotransporta putnika.

Obavještenje o javnoj nabavci objavljeno je na portalu „e-nabavke“, broj obavještenja 1042-7-2-16-3-1/19 od 06.11.2019. godine, kao i tenderska dokumentacija.

Komisija za javnu nabavku ugovornog organa dostavila je direktoru Zapisnik o pregledu i ocjeni ponuda broj: 04-16-7-15-15/19 od 10.12.2019. godine, Izvještaj o radu komisije broj: 04-16-7-15-16/19 od 10.12.2019. godine i Preporuku o izboru najpovoljnijeg ponuđača broj: 04-16-7-15-17/19 od 10.12.2019. godine.

Ugovorni organ je dana 17.12.2019. godine zaprimio žalbu ponuđača Mrkulić company d.o.o. Sarajevo, te je ugovorni organ, postupajući po članu 100. stav (5) Zakona o javnim nabavkama Bosne i Hercegovine („Sl. glasnik BiH“, broj: 39/14), dana 18.12.2019. godine proslijedio žalbu u Ured za razmatranje žalbe. Ugovorni organ je dana 17.12.2019. godine zaprimio žalbu ponuđača GoBook d.o.o. Visoko, te je ugovorni organ, postupajući po članu 100. stav (5) Zakona o javnim nabavkama Bosne i Hercegovine („Sl. glasnik BiH“, broj: 39/14), dana 19.12.2019. godine proslijedio žalbu u Ured za razmatranje žalbe. Dana 16.1.2020. godine ugovorni organ je zaprimio Zaključak Ureda za razmatranje žalbi broj JN2-01-07-1-3139-6/19 od 30.12.2019. godine kojim se žalba ponuđača Mrkulić company d.o.o. Sarajevo odbacuje kao neuredna. Dana 31.1.2020. ugovorni organ je zaprimio Rješenje Ureda za razmatranje žalbi broj JN2-01-07-1-3143-9/19 od 14.1.2020. godine kojim se usvaja žalba ponuđača GoBook d.o.o. Visoko, stavlja van snage Odluka o prihvatanju ponude broj 04-16-7-15-18/19 od 11.12.2019. godine, a postupak javne nabavke nastavlja e-aukcijom.

E-aukcija je zakazana za dan 7.2.2020. godine u 10:30h. Planirano trajanje e-aukcije je 10 minuta.

Nakon završene e-aukcije i generiranja Izvještaja o toku i završetku e-aukcije, u izvještaju je konstatovano slijedeće: E-aukcija je počela 7.2.2020. godine u 10:30:00, a završila u 12:08:23. Minimalna razlika podnesene cijene je 0,04 KM, a najveća 4,65 KM. Nova cijena je ukupno podnesena 92 puta. Nakon završene e-aukcije najnižu cijenu je ponudio ponuđač GoBook d.o.o. Visoko u iznosu od 0,01 KM. Drugi rangirani ponuđač Centrotrans Eurolines d.d. Sarajevo ponudio je cijenu od 0,10 KM.

U postupku ocjene provedenog postupka, direktor nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavke.

U postupku donošenja ove odluke, posebno su cijenjene činjenice da je Komisija za nabavke, pravilno i potpuno dala ocjenu ponude u skladu sa kriterijima navedenim u tenderskoj dokumentaciji, te da je u svemu pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama Bosne i Hercegovine i podzakonskim aktima zbog čega je odlučeno kao u dispozitivu ove odluke.

Pouka o pravnom lijeku: protiv ove Odluke može se izjaviti žalba, najkasnije u roku od pet (5) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom.

Dostaviti:

- Ponuđaču x 2
- Komisija za javne nabavke
- Odsjeku za računovodstvene poslove
- a/a

DIREKTOR
Mr. Muamer Bandić
Mr. Muamer Bandić